

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին.

27.11.2018թ.

ք. Էջմիածին

Հարկադիր կատարումն ապահովող ծառայության Արմավիրի մարզային բաժնի Էջմիածնի բաժանմունքի ավագ հարկադիր կատարող՝ Ա. Մազյանս ուսումնասիրելով 17.05.2017թ. վարույթ ընդունված թիվ 01410567 կատարողական վարույթի նյութերը՝

Պ Ա Ր Զ Ե Ց Ի

ՀՀ Արմավիրի մարզի առաջին աստանի դատարանի կողմից տրված թիվ ԵԱԴԴ/0261/02/09 կատարողական թերթի համաձայն պետք է պատասխանողներ Արսեն Ռուբիկի Կարապետյանին, Քնարիկ Գուրգենի Գրիգորյանին, Մարիամ Ռուբիկի Կարապետյանին և Անդրանիկ Ռուբիկի Կարապետյանին ընդհանուր համատեղ սեփականության իրավունքով պատկանող ՀՀ Արմավիրի մարզի Պտղունք գյուղում գտնվող 317-033 կադաստրային ծածկագրով 0.08 հա մակերեսով խաղողի այգուց Արսեն Ռուբիկի Կարապետյանի 1/4-րդ բաժնեմասը՝ համաձայն 14-0143Դ դատաշինարարատեխնիկական փորձաքննության եզրակացությանը կից հավելվածի, առանձնացնել հետևյալ կերպ.

Արմավիրի մարզի Պտղունք գյուղում գտնվող 0.08 հա մակերեսով խաղողի այգուց պատասխանող Արսեն Կարապետյանի բաժինն առանձնացնել ըստ սեփականության իրավունքի թիվ 2484423 վկայականի խաղողի այգու 3-2 կողմից 6,33 մետր, 3-4 կողմից 37 մետր, 37 մետրից ուղիղ գծով 5,6 մետր և 5,6 մետրից ուղիղ գծով 2-1 և 3-4 կողմին զուգահեռ 34,09 մետր առանձնացնել 200,0քմ հողամասը:

Թիվ ԵԱԴԴ/0261/02/09 քաղաքացիական գործով ի հոգուտ պահանջատեր <Բիբլոս Բանկ Արմենիա> ՓԲ ընկերության 20.03.2015թ. տրված կատարողական թերթի պահանջների կատարումն ուղղված է Երևան քաղաքի Աջափնյակ և Դավթաշեն վարչական շրջանների ընդհանուր իրավասության դատարանի 27.07.2006թ.-ի թիվ 2-1241 օրինական ուժի մեջ մտած վճռի կատարումն ապահովվելուն:

Պատասխանող Արսեն Ռուբիկի Կարապետյանից հոգուտ <Բիբլոս Բանկ Արմենիա> ՓԲԸ-ի բռնագանձել 4.000 ՀՀ դրամ՝ որպես նախապես վճարված պետական տուրքի գումար:

Ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով՝

Ո Ր Ո Շ Ե Ց Ի

Պարտապան՝ Արսեն Ռուբիկի Կարապետյանին սեփականության իրավունքով պատկանող ներքոհիշյալ գույքը.

h/h	լուրի անվանումը, նկարագիրը	գնահատման գինը	մեկնարկային գինը
1	Արմավիրի մարզի Պտղունք գյուղում գտնվող 0,08 հա մակերեսով խաղողի այգու 1/4-րդ բաժնեմասը՝ 200 քմ մակերեսով այգի: Իրականում այգին գոյություն չունի, հողամասը գտնվում է դատարկ և անմշակ վիճակում:	68.000 ՀՀ դրամ	51.000 ՀՀ դրամ

ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարումն ապահովող ծառայության աճուրդի իրականացման էլեկտրոնային համակարգի կիրառմամբ՝ www.harkadir.ajurd.am ինտերնետային կայքի միջոցով: Գույքի իրացման ընթացակարգի, և մեկնարկային գնի մասին ծանուցման օրենքով նախատեսված դեպքերում կարող են ներկայացվել Հայաստանի Հանրապետության հրապարակային ծանուցումների պաշտոնական կայքի միջոցով՝ www.azdarar.am հասցեով:

Հարկադիր էլեկտրոնային աճուրդի սկիզբը 31.01.2019 թվականին:

Որոշման պատճեն ուղարկել կողմերին:

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը: Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: Որոշումը կարող է բողոքարկվել դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով սահմանված դեպքերի:

ԱՎԱԳ ՀԱՐԿԱԴԻՐ ԿԱՏԱՐՈՂ՝

Ա. ՄԱԶՅԱՆ